



Publicaziuns dalla vischnaunca, jamna 51

Damondas da bagheggiar

2015-1038.000

Datum dalla publicaziun: ils 18 da december 2015

Il patrun: Ursicin Flepp, Via Raveras 7, 7180 Disentis/Mustér

Il representant: Ursicin Flepp, Via Raveras 7, 7180 Disentis/Mustér

Object: Baghetg annex vid la stalla sin parcella 3472 a Foppa, 7182 Cavardiras

2015-1045.001

Datum dalla publicaziun: ils 18 da december 2015

Il patrun: Sut Gliendas SA, c/o Durschei Fiduziaria SA, Via Alpsu 8, 7180 Disentis/Mustér

Il representant: Aluis Huonder architect fh sia sa, Via da Scola 18, 7180 Disentis/Mustér

Object: Construcziun d'ina surbaghegiada da pliras casas cun habitaziuns per giuven e vegl, parcella 3933 (2324) a Sogn Gions, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da bagheggiar ein d'inoltrar a secret enteifer 20 dis all'instanza da bagheggiar, caum postal 57, 7180 Disentis/Mustér. La protesta sto esser motivada e suttascreta dil recurrent ni da siu representant.

Disentis/Mustér, ils 15 da december 2015

Uffeci da bagheggiar Disentis/Mustér

Cussegli da vischnaunca

Aertura dil quartier per indigens a Caschuarz II

Ella 26avla seduta dils 11 da december 2015 ha il cussegl da vischnaunca sut il tgamun dad Edgar Durschei tractau e concediu unanimamein in credit da 260 000 francs per l'avertura dil quartier per indigens a Caschuarz II. Quella decisiu ei suttamessa al referendum facultativ. Gia 2008 ha il suveran approbau en connex cun ina revisiun dalla planisaziun locala ina zona per indigens a Caschuarz. Muort la munconza d'interess ei l'avertura dil quartier vegnida spustada. Cunquei che dus interessents concrets ein ussa avon maun, ei l'avertura dil quartier indicada. La parcellaziun dil sulom preveda quater parcellas cun ina surfatscha denter 566 e 588 m². Igl ei pusseivel d'acquistar ni era nezegiar las parcellas en dretg da construcziun.

Plinavon ei il cussegl da vischnaunca vegnius informaus entras il niev meinafatschenta dil Center da sport e cultura, Herbert Schmelzer. El tila ina bilanza positiva suenter ils emprems tschien dis en uffeci.

Il cussegl da vischnaunca ha eligiu Livio Zanetti sco siu president e Christoph Berger sco siu vice-president pigl onn 2016. Silsuenter han las commembraas ed ils commembers astgau guder l'usitada e beinmeritada tscheina finala digl onn d'uffeci.

Suprastanza communal

Referendum facultativ

A caschun da sia seduta dils 11 da december 2015 ha il cussegl da vischnaunca concediu unanimamein in credit da 260 000 francs per l'avertura dil quartier Caschuarz II.

Conform ad art. 21, lit. c dalla constituziun communalia ei quella decisiu suttamessa al referendum facultativ. Il messadi tier sura conclus ei exponius per investa en casa communalia (stanza nr. 10).

Enteifer 20 dis dapi la publicaziun ufficiala han 80 votants la pussevladad d'inoltrar enviers sura conclus il referendum e pretender ina votaziun dil pievel.

Suprastanza communal



Referendum facultativ spiraus

Ils 20 da november 2015 ha il cussegli da vischnaunca approbau unanimamein il preventiv 2016. Encunter quella decisiun ei enteifer il termin fixau buca vegniu fatg diever dil referendum, aschia ch'il preventiv 2016 ei approbaus definitivamein.

Suprastanza communal

Vischnaunca Disentis/Mustér

Revisiun parziale dalla planisaziun locala

Exposiziun da recuors

En applicazion d'art. 48 alinea 4 dalla lescha davart la planisaziun dil territori pil cantun Grischun (LPTGR) ha liug l'exposiziun da recuors pertucccont la revisiun parziale dalla planisaziun locala dalla vischnaunca da Disentis/Mustér, la quala ei vegnida approbada ils 29 da november 2015 entrais la votaziun all'urna.

Object da publicaziun:

Revisiun parziale dalla planisaziun locala

Acts da publicaziun:

- Revisiun parziale dalla lescha da baghegiar;
- Plan da zonas e plan general da formaziun, Acletta/ Funs, Fontanivas, Veier, Raveras, Disentiserhof, Segnas, Val da Cuoz, Pignola, Aua Cotschna, Rieven e Clastra 1:500/1000/2000;
- Plan da zonas 1:5000 per far neiv;
- Plan general d'avertura 1:5000 provediment ed allontanament per far neiv;
- Plan general d'avertura – traffic, Foppas, Funs, Plaun Tiatscha, Siut, Catrina e Pignola 1:500/1000/2000/5000;
- Plan general d'avertura – provediment, Fontauna da radon 1:2000;
- Rapport da planisaziun (informativ).

Midadas suenter la publicaziun da cooperaziun:

Lescha da baghegiar:

- Art. 22 al. 3 (zona centrala) ed art. 23 al. 3 (zona dil vitg): La formulaziun actuala vegn manteni da (negina midada)

Plans da zonas:

- Parcella 580: Midada da surfatschas parzialas dalla zona verda en la zona libra;
- Parcellas 3654, 3852: Midada da surfatschas parzialas dalla zona da mistregn en la zona d'agricultura;
- Parcella 810: Midada da surfatschas parzialas dalla zona per igl ulteriur territori en la zona dil vitg;
- Parcella 1594: Midada da surfatschas parzialas dalla zona d'agricultura e la zona da mistregn;
- Parcellas 503, 519, 524, 3013: Midada dalla zona per igl ulteriur territori resp. dalla zona d'agricultura en la zona dil vitg engrondida;
- Parcella 3626: Midada da surfatschas parzialas dalla zona da mistregn en la zona per igl ulteriur territori;
- Parcella 1199: midada da surfatschas parzialas dalla zona per stabiliments ed indrezs publics en la zona d'agricultura;
- Parcellas 1663, 2330, 1350: Midada da surfatschas parzialas dalla zona verda en la zona libra;
- Parcella 1527: Midada da surfatschas parzialas dalla zona da habitar mischedada HM3 en la zona d'agricultura;
- Parcella 965: Midada da surfatschas parzialas dalla zona da habitar mischedada HM3 e dalla zona per stabiliments ed indrezs publics en la zona per igl ulteriur territori;
- Parcella 2874: Midada da surfatschas parzialas dalla zona da habitar mischedada HM3 en la zona per igl ulteriur territori;
- Parcella 1657: Midada da surfatschas parzialas dalla zona verda en la zona per igl ulteriur territori;
- Parcella 2291: Midada dalla zona da habitar mischedada HM3 e dalla zona da habitar H2 en la zona libra ed en la zona per igl ulteriur territori.



Plans generals d'avertura

- Intschess da «Siut»: Fixaziun d'ina via da cultivaziun (via funsila e forestala);
- Intschess «Staziun da Segnas»: Fixaziun d'ina via da cultivaziun (via funsila);
- Parcellas 503, 519, 3013: Spustar la senda;
- Intschess da «Plaun Tiatscha»: Via da cultivaziun (via funsila e forestala), senda da gianellas, senda da viandar, ruta per velos da muntogna, via da scursalar (aboliziun e fixaziun);
- Parcella 1199: Fixaziun d'in parcadi.

Termin a publicaziun: 30 dis (naven dils 18 da december 2015 entochen ils 18 da schaner 2016)

Liug da publicaziun: Casa communal (stanza 10), Via Cons 2, 7180 Disentis/Mustér, duront las uras da spurtegl (tel. 081 920 36 36)

Recuors da planisaziun: Persunas che han in agen interess digns da vegnir protegius vid ina contestaziun dalla planisaziun ni ch'ein legitimadas leutier tenor dretg federal, san inoltrar alla regenza grischuna enteifer 30 dis dapi il datum da publicaziun a secret in recuors da planisaziun encunter la planisaziun locala.

Organisaziuns digl ambient: Organisaziuns digl ambient exerciteschan lur dretg da recuors tenor art. 104, alinea 2 dalla lescha cantunala davart la planisaziun dil territori, q.v.d. ellas s'annunzian enteifer il temps da recuors tier igl uffeci cantunal pil svilup dil territori ed inoltreschan silsuenter eventualmein ina posiziun.

Disentis/Mustér, ils 15 da december 2015
Suprastanza communal Disentis/Mustér

Bien di, bien onn

Igl onn 2015 havein nus astgau festivar pliras occurrentzas da gronda impurtonza. Ils puncts culminants cun in grond resun naziunal ein segiramein stai il Festival svizzer da chorus d'affons e giuvenils sco era il di da viandar naziunal dalla Schweizer Familie. Quellas occurrentzas ein stadas pusseivlas grazia a noss'oreifra infrastructura, en special il Center da sport e cultura. Cun in clar resultat ha il suveran approbau la revisiun parziala della planisaziun locala e ha cheutras mess ils binaris economics per nossa vischunaunca. Era igl onn vegnent stein nus avon grondas sfidas e projects sco p. ex. Promozion dil turissem, infrastructura da basa e la meglieraziun funsila. Mo communablamein cun il sustegn da convischinas e convischins havein nus success.

In grond engraziament admettel a tut tgi ch'ei s'engaschaus e s'engascha era vinavon pil beinstar da nossa vischunaunca. Il fiug bengal digl 1. d'uost ha muort il scamond absolut da far fiug stuiu vegnir annullaus. Persuenter festivein nus da Silvester la finiziu digl onn cun in fiug bengal. Jeu giavischel a convischinas e convischins bialas e graziusas fiascas da Nadal ed in legreivel e benediu 2016.

*En num dalla suprastanza communal
Francesc Cajacob, president communal*

Administraziun communal

Sur las fiascas da **Nadal e Daniev** ei l'administraziun communal **serrada** ils suandonts dis:

- **gievgia, ils 24 da december 2015**
- **venderdis, ils 25 da december 2015**
- **gievgia, ils 31 da december 2015**
- **venderdis, igl 1. da schaner 2016**

Nus giavischein ina biala fiesta da Nadal ed in bien onn 2016!

Administraziun communal



Controlla da habitonts

Mortori

Mathias Deflorin, naschius ils 12 da november 1939, morts ils 13 da december 2015.

Societad da musica Mustér e chor mischedau Sedrun

- **20.12.2015, 17.00:** Concert da Nadal en baselgia s. Gions, Mustér
- **26.12.2015, 20.00:** Concert da Nadal en baselgia s. Vigeli, Sedrun.

Entrada libra, collecta

Secziun da catschadurs Péz Alpetta

Sonda, ils 12 da december, allas 17.00 ha liug la messa da s. Hubertus en baselgia s. Gions. Suenter messa ei in e scadin cordialmein envidai ad in apéro en halla Cons. Naven dallas 19.15

ha liug per ils commembers della secziun da catschadurs Péz Alpetta la sera famigliara el Center sursilvan d'agricultura.

Cordialmein envida

la suprastanza dalla secziun da catschadurs Péz Alpetta

Schubergiar e rugalar igl apparat d'udida

Gliendisdis, ils 28 da december 2015 saveis Vus schar schubergiar e rugalar Vies apparat d'udida:

- 9.15–10.15 en Casa sogn Martin a Trun
10.45–11.30 en Casa sogn Giusep a Cumpadials
13.30–15.15 el Puntreis, Center da sanadad a Mustér

Las firmas Amplifon ni Jäggi da Cuera/Glion, cun Arthur Jacomet, fan quei survetsch per tuts interessents gratuitamein. Ei drova negina annunzia.
